



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj:  
Sarajevo, \_\_. \_\_. 2020. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 40. sjednici održanoj \_\_\_\_\_ godine, primilo je k znanju

Informaciju o realizaciji vijećničkih pitanja i inicijativa za tekuću godinu

**PREDSJEDAVAJUĆI GRADSKOG VIJEĆA**

**Dr. Igor Gavrić**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNIK**

## **Informacija**

### **o realizaciji vijećničkih pitanja i inicijativa za tekuću godinu**

Predlagač: Gradonačelnik

Obrađivač: Gradska služba za opću upravu  
i zajedničke poslove

**Sarajevo, juli 2020. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Programom rada Gradskog vijeća Grada Sarajeva za 2020. godinu, broj 01-GV-02-1378/19 od 17.12.2019. godine za mjesec juli, planirano je razmatranje Informacije o realizaciji vijećničkih pitanja i inicijativa za tekuću godinu.

Informacijom o realizaciji vijećničkih pitanja i inicijativa za tekuću godinu obuhvaćena je realizacija vijećničkih pitanja i inicijativa, koja su dostavljena Gradonačelniku i to: Vijećnička pitanja i inicijative sa 24. sjednice Gradskog vijeća Grada Sarajeva održane 20.02.2019. godine, Vijećnička pitanja i inicijative sa 28. sjednice Gradskog vijeća Grada Sarajeva održane 29.05.2019. godine, Vijećnička pitanja i inicijative sa 31. sjednice Gradskog vijeća Grada Sarajeva održane 25.09.2019. godine, Vijećnička pitanja i inicijative sa 32. sjednice Gradskog vijeća Grada Sarajeva održane 30.10.2019 i Vijećnička inicijativa sa 38. sjednice Gradskog vijeća Grada Sarajeva održane 27.05.2020.

Odgovori na Vijećnička pitanja i inicijative su dati kako slijedi:

1. Na 24. sjednici Gradskog vijeća Grada Sarajeva, gradski vijećnik Samir Fazlić uputio je sljedeću inicijativu:

„Podnosim inicijativu da Gradonačelnik formira stručni tim koji bi ispitao trenutno stanje Carevog mosta, jer prema dojavama nekoliko stručnih ljudi most je u veoma lošem stanju, prvenstveno jer se odvija saobraćaj putem mosta, te eventualno, ako je potrebno, izvršiti sanaciju istog u saradnji sa ostalim nivoima vlasti“

**Odgovor:**

*S tim u vezi, obavještavamo Vas da je Grad Sarajevo kontaktirao Direkciju za puteve Kantona Sarajevo koja se stara o mostovima preko kojih se odvija motorni saobraćaj, te smo od njih dobili odgovor koji je dostavljam u prilogu ovog dopisa.*

2. Na 28. sjednici Gradskog vijeća Grada Sarajeva, gradska vijećnik Srđan Srđić uputio je inicijativu koja je imala sljedeći sadržaj:

„Podnosim inicijativu za uređenje korita rijeke Miljacke i košenje travnatog dijela uz obalu rijeke Miljacke na potezu od mosta Suade Dilberović do mosta Malta“.

Obrazloženje: Obzirom da nam dolazi period kada se pojavljuje veliki broj komaraca i kukaca kojima prerasla trava i služi kao sklonište, molim da se što prije pristupi košenju prerasle trave uz obalu rijeke Miljacke, te uređenju korita rijeke Miljacke“.

**Odgovor:**

*S tim u vezi, obavještavamo Vas da je Grad Sarajevo već ugovorio putem okvirnog sporazuma radove na redovnom održavanju korita rijeke Miljacke od Bentbaše do mosta Kurta Shorka na Stupu. Radovi na redovnom održavanju su počeli i vrše se u punom kapacitetu.*

3. Na 28. sjednici Gradskog vijeća Grada Sarajeva, gradska vijećnica Lana Velić uputila je inicijativu koja se odnosi na čišćenje korita rijeke Miljacke na području općine Novi Grad, a koja je dostavljena u prilogu akta, uz obrazloženje:

„Iniciram da se nastavi čišćenje korita rijeke Miljacke na području općine Novi Grad na potezu od Mosta „Bosansko-Hercegovačko-Malezijskog prijateljstva“ do mosta kod „Vistafona“ u ukupnoj dužini dionice 1.800,00m. Neophodno izvršiti:

- Sječu i čupanje visokog i niskog rastinja obalnog dijela sa lijeve strane rijeke
- Košenje trave te uklanjanje otpada sa obalnog dijela,
- Otkloniti stvorena ostrva (ade) u koritu rijeke nastala uslijed nakupljanja otpadnog materijala i mulja
- Izbaciti otpadni materijal iz korita rijeke
- Odvesti otpadni materijal na mjesto predviđeno za odlaganje otpada
- Izvršiti radove na stvaranju uslova za pristup mehanizacije u korito Miljacke, kako bi se pristupilo čišćenju samog korita rijeke“

**Odgovor:**

*S tim u vezi, obavještavamo Vas da je Grad Sarajevo već ugovorio putem okvirnog sporazuma radove na redovnom održavanju korita rijeke Miljacke od Bentbaše do mosta Kurta Shorka na Stupu. Radovi na redovnom održavanju su počeli i vrše se u punom kapacitetu.*

4. Na 28. sjednici Gradskog vijeća Grada Sarajeva, gradska vijećnik Denis Stojnić uputio je pitanje koje glasi:

„Koji su sve vijećnici putovali i koliko puta“ zanima me koliko puta i gdje je putovao svaki gradski vijećnik uključujući i Gradonačelnika?

**Odgovor:**

*Programom rada Gradskog vijeća Grada Sarajeva, Programom gradonačelnika Grada Sarajeva i Programom međunarodne saradnje Grada Sarajeva, Izvještaj o aktivnostima Grada Sarajeva u oblasti međunarodne saradnje podnosi se i usvaja na sjednici Gradskog vijeća Grada Sarajeva, na godišnjem nivou, u mjesecu februaru za prethodnu godinu.*

*Shodno navedenome, Izvještaj o aktivnostima Grada Sarajeva u oblasti međunarodne saradnje sadržava imena i funkcije predstavnika Grada Sarajeva koji su uzeli učešće u službenim putovanjima.*

5. Na 29. sjednici Gradskog vijeća Grada Sarajeva, gradski vijećnik Velija Katica uputio je sljedeću inicijativu:

„Pokrećem inicijativu da se izvrši popravka asfalta (krpljenje udarnih rupa) na cesti od Obhodže prema spomen obilježju za 172 šehida i poginula borca Druge brdske brigade 1. Korpusa Armije Republike Bosne i Hercegovine na Borijama na području općine Stari Grad.

Inicijativu upućujem Gradskoj upravi Grada Sarajevo da u saradnji sa Općinom Stari Grad i Direkcijom za ceste Kantona Sarajevo osigura sredstva i obnovi/zakrpi navedeni asfaltni put“.

**Odgovor:**

*S tim u vezi, obavještavamo vas da je Grad Sarajevo već navedenu inicijativu, koja je odnosi na popravku asfalta na cesti od Obhodža prema spomen obilježju za 172 šehida i poginula borca Druge*

*brdske brigade Prvog korpusa Armije Republike BiH na Borijama, prosljedio Općini Stari Grad Sarajevo na razmatranje.*

*Općina Stari grad je uputila odgovor na ovu inicijativu, koji je dostavljen u prilogu ovog dopisa.*

6. Na 31. sjednici Gradskog vijeća Grada Sarajeva, gradski vijećnik Toni Vukadin uputio je sljedeće vijećničko pitanje:

„Koliko je Grad Sarajevo izdvojio novca za organizaciju koncerta Gorana Bregovića”.

**Odgovor:**

*Za organizaciju koncerta Gorana Bregovića, Grad Sarajevo je izdvojio sredstva za uslugu fizičke zaštite manifestacije „Tri pisma iz Sarajeva“ u iznosu od 3.217,50 KM, kao i za usluge medicinskog obezbjeđenja tokom navedene manifestacije u iznosu od 450,00 KM.*

7. Na 31. sjednici Gradskog vijeća Grada Sarajeva, gradski vijećnik Toni Vukadin uputio je sljedeće vijećničko pitanje/inicijativu:

„...da se sredstva od dobiti JP” Sarajevo” d.o.o. u iznosu od 240.000,00 KM, koja još uvijek nisu raspoređena, bar nismo donijeli odluku, preusmjere na JP „Olimpijski bazen Otoka” d.o.o.” Sarajevo i da se do naredne sjednice pripremi odluka da se organizuje cjelogodišnja besplatna škola plivanja za učenike od I do IV razreda, za djecu čiji su prihodi u domaćinstvu ispod 300,00 maraka po osobi”.

**Odgovor:**

*Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 1. stav 2. Odluke o raspodjeli dobiti za 2018. godinu Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), bro: 02-05-SP-678/19 od 02.04.2019. godine, Gradsko vijeće Grada Sarajeva, na sjednici od 24.04.2019. godine, donijelo je Odluku o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), broj 01-GV-02-545/19.*

*Navedenom odlukom neto dobit Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) za 2018. godinu u iznosu od 1.200.000,00 KM raspoređena je za realizaciju Projekata:*

- 1. Rješavanje imovinsko-pravnih odnosa na objektu zgrade željezničke stanice Bistrik u Sarajevu, u iznosu od 960.000,00 KM;*
- 2. Sufinansiranje projekta „Atelje-muzej Safet Zec“- općina Centar, u iznosu od 240.000,00 KM.*

*Na dalje, vezano za prijedlog uvaženog vijećnika Vukadin Tonija da se pripremi odluka da se organizuje cjelogodišnja besplatna škola plivanja za učenike od I do IV razreda, za djecu čiji su prihodi u domaćinstvu ispod 300,00 maraka po osobi, navedeni Projekat škole plivanja za učenike sufinansiranju općine na području Kantona Sarajevo, i to u iznosima:*

- 1. Općina Novi Grad – 35.000 KM*
- 2. Općina Vogošća – 8.000 KM*

3. Općina Stari Grad – 15.000 KM
4. Općina Novo Sarajevo – 40.000 KM
5. Općina Centar – 30.000 KM

8. Na 31. sjednici Gradskog vijeća Grada Sarajeva, gradski vijećnik Nihad Uk uputio je vijećničko pitanje koje se odnosi na informaciju u vezi stanja lokaliteta kasarne Jajce.

**Odgovor:**

Grad Sarajevo od dana preuzimanja na privremeno korištenje kasarne „Jajce“, a na osnovu „Odluke o davanju na privremeno korištenje kasarne „Jajce“ Gradu Sarajevu“, od strane Vlade Federacije Bosne i Hercegovine, provodio je aktivnosti na čišćenju kompleksa kasarne „Jajce“, te je bitno napomenuti da je uklonjeno drveće – stabla, koja su se nalazila na samom obodu parcele te kao takva predstavljala vizuelnu smetnju.

Također, potrebno je istaknuti da su odvezene i velike količine smeća iz samog kompleksa kasarne „Jajce“, te sam pristup parceli, odnosno objektu, je pristupačan i u potpunosti očišćen. Grad Sarajevo je od dana preuzimanja izvršio i osvjetljenje građevine (iluminacija objekta).

Nakon čišćenja kompleksa kasarne „Jajce“ i iluminacije objekta intenzivno su se provodile aktivnosti na izradi Projekata, Elaborata, kao i izrada četiri Studije koje su vezane za:

- Analizu arhitekture sa aspekta restauracije i rehabilitacije kasarne „Jajce“,
- Studija konstruktivnog stanja kompleksa svih objekata i bedema kasarne „Jajce“,
- Sumirani izvještaj o zatečenom stanju kompleksa kasarne „Jajce“ i
- Studija konceptualnog dizajna kasarne „Jajce“.

Navedeni projekti, elaborati, studije rađene su prema uputama „Komisije za očuvanje nacionalnih spomenika Bosne i Hercegovine“, jer je Graditeljska cjelina – Jajce kasarna u Sarajevu proglašena nacionalnim spomenikom Bosne i Hercegovine, a na osnovu Odluke iz 2009. godine, od strane Komisija za očuvanje nacionalnih spomenika.

Izradom gore navedenog, Komisija će donijeti odluku o krajnjoj namjeni kasarne „Jajce“.

9. Na 31. sjednici Gradskog vijeća Grada Sarajeva, gradski vijećnik Almedin Miladin uputio je sljedeću inicijativu:

„Da se na Darivi postave dva WC-a.“

**Odgovor:**

*S tim u vezi, obavještavamo Vas da je Gradska služba za urbano planiranje, investicije, stambene i komunalne poslove navedenu inicijativu, prosljedila Općini Stari Grad na razmatranje.*

10. Vijećnik općinskog vijeća Novo Sarajevo Enes Kulović uputio je sljedeće pitanje 30.05.2019:

„Molim nadležnu gradsku službu da mi odgovori da li imaju u planu rješavanje dugogodišnjeg problema u Krajiškoj ulici — Pofalići, započeti objekat Vranica. Napominjem da je u započetom objektu došlo do nakupljanja otpadnih i oborinskih voda koja se pretvorila dugim stajanjem u pravu baru. Istu su nastanile raznorazne životinje (miševi, žabe, pacovi, da ne govorim da se očekuje najezda insekata čim dođe toplije vrijeme.

Po ovom pitanju već sam se obraćao općinskom vijeću i nadležnoj službi, ali nisam dobio niti rješenje problema niti namjeru da istu riješe. Obraćao sam se i kantonalnoj inspekciji koja je sagledala stanje na terenu i uputila me na rješavanje problema putem općinske inspeksijske službe. Mene i stanare u centru Pofalića interesuje šta će poduzeti Gradsko Vijeće i njen predsjedavajući da napokon riješi ovaj veliki problem.

Ovakva vodena deponija može izazvati nesagledive posljedice, jer je idealna podloga za razvijanje raznih zaraznih oboljenja“.

### **Odgovor:**

*Po ovom pitanju, Grad Sarajevo se obratio Službi za inspeksijske poslove Općine Novo Sarajevo, te Vam u nastavku donosimo njihov odgovor.*

*„U Službi za inspeksijske poslove Općine Novo Sarajevo zaprimljen je, dana 05.07.2019. godine, Vaš podnesak, broj 08-OS-669-1/19 od 26.06.2019. godine, a koji se odnosi na upit Enesa Kulovića, vijećnika Općinskog vijeća Novo Sarajevo, upućen Gradskom vijeću Grada Sarajeva 29.05.2019. godine u cilju rješavanja problema prouzrokovanog nezavršenom gradnjom objekta, čiji investitor je bilo preduzeće „Vranica“ na Pofalićima.*

*Informišemo Vas da je u Službi za inspeksijske poslove pokrenut i vodi se upravni postupak u predmetu nadzora izvođenja građevinskih radova na započetoj izgradnji stambeno - poslovnog objekta u ulici Krivajska br. 1 u Sarajevu bez pravosnažnog odobrenja za građenje, investitora „Vranica“ d.d. Sarajevo u stečaju, u kojem su, u skladu sa pozitivnim zakonskim propisima, doneseni upravni akti.*

*Na rješenja drugostepenog organa, Ministarstva prostornog uređenj, građenja i zaštite okoliša, kojima su odbijene žalbe investitora „Vranica“ d.d. Sarajevo u stečaju, uložene protiv Rješenja i Zaključka o dozvoli izvršenja rješenja urbanističko - građevinskog inspektora, investitor je pokrenuo upravne sporove koji još nisu okončani.*

*Za investitora „Vranica“ d.d. Sarajevo je od 2012. godine otvoren stečajni postupak, to prema izjavi punomoćnika Handžo Mustafe, stečajnog upravnika firme, ista od tada nema nikakvih prihoda i stoga nije u mogućnosti pristupiti rješavanju problema predmetnog gradilišta.*

*Shodno navedenom, to kako su za prinudno izvršenje Rješenja potrebna znatna finansijska sredstva, koja investitor nije u mogućnosti platiti, upitna je naplata — potraživanje sredstava utrošenih iz Budžeta Općine Novo Sarajevo“.*

11. Na 32. sjednici Gradskog vijeća Grada Sarajeva, gradski vijećnik Vedad Deljković uputio je sljedeću inicijativu:

„Da se sanira i osvjetli Bob staza na Trebeviću“.

### **Odgovor:**

*U potpunosti podržavamo inicijativu uvaženog gradskog vijećnika Vedada Deljkovića za sanaciju i osvjetljenje Bob staze na Trebeviću. Služba će ispitati sve mogućnosti sanacije i vraćanja u funkciju Bob staze.*

*Prije svega potrebno je utvrditi vlasnika ovog olimpijskog objekta i pokušati sa istim napraviti strategiju obnove. Nesporno je da je za sanaciju ovakvog objekta neophodno obezbijediti značajna finansijska sredstva, investicijsku dokumentaciju i potrebna odobrenja za rekonstrukciju.*

*Sama iluminacija staze je samo jedna od faza rekonstrukcije ovog sportskog objekta, ali koja se može realizovati kao poseban projekat, odnosno kao dio projekta iluminacije cjelokupnog Trebevičkog platoa. Realizacija projekta iluminacije se mora vršiti u saradnji sa nadležnom općinom,*

*Ministarstvom prostornog uređenja KS i Kantonalnom javnom ustanovom za zaštićena prirodna područja.*

*Služba za urbano planiranje, investicije, stambene i komunalne poslove će uraditi sve, u skladu sa svojim mogućnostima, kako bi se ova inicijativa realizovala u narednom periodu.*

**12** Na 32. sjednici Gradskog vijeća Grada Sarajeva, gradski vijećnik Srđan Srđić uputio je sljedeću Inicijativu:

*„Upućuje se inicijativa da Grad Sarajevo izvrši saniranje dijela mosta ARS AEVI, to jeste zamjeni oštećenu ogradu mosta, uz obrazloženje da je sadašnje stanje katastrofalno i predstavlja rizik za sve prolaznike“.*

**Odgovor:**

*Mostovi na rijeci Miljacki predstavljaju ogledalo Grada Sarajeva i imaju veoma bitan kulturno-historijski značaj, iz tih razloga Grad Sarajevo je preko nadležne Službe za urbanizam, investicije, stambene i komunalne poslove uložio velike napore da preuzme održavanje mostova koje bi održavalo J.P. Sarajevo d.o.o. Međutim Direkcija za puteve Kantona Sarajevo dostavila je odgovor, obzirom da mostovi nisu u formalnoj nadležnosti Grada Sarajeva, prvenstveno se trebaju riješiti imovinsko-pravni odnosi.*

*Shodno gore navedenom nadležna Služba će raditi na iznalaženju svih mogućnosti da Grad Sarajevo preuzme održavanje mostova, te izvršiti sanaciju i restauraciju istih. Ove godine se obnovio most Drvenija i vraćen mu je stari sjaj. Što se tiče obnove mosta ARS-AEVI, u Budžetu Grada Sarajeva za narednu godinu planirat će se sredstva za obnovu pomenutog. S tim u vezi, pokušat ćemo iskordinirati plan sa nadležnom Općinom, kako bi napravili projektnu dokumentaciju za obnovu istog.*

**13.** Na 38. sjednici održanoj 27.05.2020. godine, gradski vijećnik Toni Vukadin uputio je inicijativu sljedećeg sadržaja:

*„Podnosim urgenciju da se u najkraćem roku donese pravilnik ili neka odluka o dodjeli priznanja Grada Sarajeva posthumno“.*

**Odgovor:**

*Odlukom o priznanjima i nagradi Grada Sarajeva („Službene novine Kantona Sarajevo“ broj 34/10 – prečišćeni tekst, 14/14, 31/14 i 11/20) u članu 28. stav 1. propisano je:*

*„Priznanje, odnosno Nagrada dodjeljuje se fizičkim licima, u pravilu za života, a izuzetno se može dodijeliti i posthumno.“*